



ज्वजलपा वा:पौ

JWOJALAPA WEEKLY

दैं ७ ल्या: ६ (पूर्णडक १०८) ने. सं. ११३६ गुलागा एकादश आइतवा: २०७३ भाद्र ८ गते आइतवार (Aug- 28, 2016)

मू ८।- पृष्ठ ८

विजेनस भवन निर्माणयात कया स्थानीयबासीया घोर आपत्ति

ज्वजलपा वा:पौ

रत्नपार्कया पुलांगु बसपार्कय् मलिट प्रपोज विजेनस कम्प्लेक्स काठमाडौं टावर निर्माणया विरुद्धय् बृहत्त नागरिक सुनुवाई जूगु दु ।

यँया सभागृहय् बुधवा: जूगु उगु नागरिक सुनुवाई ज्याभवलय् ३१ वडा बागवजा:या स्थानीय बासिन्दापिन्सं उक्तथं पुलांगु बसपार्कय् मलिट प्रपोज विजेनस कम्प्लेक्स भवन निर्माण जुइगु व थ:पिन्त लाइगु लिच्य:यात कया: तसकं आपत्ति व विरोध प्वंकूगु दु ।

स्वनिगलय् बांला:गु फसय् सास: ल्हाये दयेमा:गुनिसें नेवा: भूमिइ नेवा: भाय् छयले दयेमा:गु धका: तकं नागरिकतय्सं स: तयेगु ज्या या:गु ख: ।

बांला:गु फसय् सास: ल्हाये दयेमा:गुनिसें नेवा: भाय् ल्हाये दयेमा:गु तकं माग

नागरिक सुनुवाई ज्याभवलय् स्थानीय बासिन्दा पुलांगु बसपार्कय् गुगुनं कथं उगु टावर दयेके मवीगु खँ तया: आक्रोश प्वंकूगु ख:सा यदि यँ महानगर पालिका दयेकेगु कुत: यात धा:सा अनया स्थानीय बासिन्दापिं सुम्कं मच्वनेगु व संघर्षया मैदानय् क्वाहां वयेगु खँ तकं न्त्यथंगु ख: । उगु ज्याभवलय् दिपक तुलाधर, निलकाजी शाक्य, राजा शाक्य, सुदय शिलाकार व शैलेश बरेपिन्सं न्व:वानादीगु ख:।

उगु नागरिक सुनुवाई ज्याभवलय् नेवा: भूमिइ नेवा: म्हसीका तनीगु कथं एकलौटी ढंग निर्माण जुइत्यंगु मलिट प्रपोज विजेनस भवन गुगुनं हालतय् निर्माण याके मज्युगुलिसें जग्गा एकीकरण जूगु इलय् क्व:छिनात:गु सतय् छु दूगु ख: उकी च्वनेमा:गु खँया नं चर्चा परिचर्चा जूगु ख: । सार्वजनिक सुनुवाई ज्याभवलय् सांसद भिमसेनदास प्रधान नं भायादीगु ख: । भाषाट्य:मि शान्तराज शाक्य नं न्व:वानादीगु उगु ज्याभवलय् वय्कलं उगु विजेनस कम्प्लेक्स निर्माणयात कया: विरोध प्वंकादिसं नेवा: भासं नुग: खँ तयादीगु ख: । न्व:वायेगु भवलय् वय्कलं नगरपालिकाया कर्मचारीपिन्सं नेवा:भाय् थुइकेमा:गु व सयेकेमा:गु माग यानादीगु ख: । उगु सार्वजनिक सुनुवाई ज्याभवलय् यँ महानगर पालिकाया इञ्जिनीयरपिनिगु नं ब्वति दूगु ख: ।

युनेस्को स्वनिग:या न्हय्गू हे सम्पदायात खतराया सूची तयेगु ख्याच्व:



ज्वजलपा वा:पौ

स्वनिग:या यँ, यल व ख्वपया लाय्कू नापं स्वयम्भु, बौद्ध, चांगु व पशुपति लागायात विश्व सम्पदा सुचिया धलखय् लाकात:गु ख: । उगु सम्पदा नेवा:तय्सं दयेकात:गु जूसां नं नेवा:तय्गु अले नेपा:मिपिनिगु जक मखु विश्वया हे सम्पदा धका: तायेका विश्व सम्पदाया धलखय् लाकात:गु ख: ।

थ्व हे न्हय्गू सम्पदायात आ: वया युनेस्को विश्वसम्पदा सूचीपाखें चीकेगु कथंया ख्याच्व: बिउगु दु । युनेस्को वंगु दँय् त:भुखाय् लिपा क्षतिग्रस्त सम्पदाया पुनर्निर्माण यायेगु लिवाकुगुधासं स्वयम्भु, खास्ति, पशुपतिनाथ, हनुमानधवाखा दरबार लागा, यलदरबार क्षेत्र, ख्वप दरबार लागा व चांगु नारायणयात विश्व सम्पदा सूचीपाखें खतराया धलखय् तयगु ख्याच्व: ब्यूगु ख: ।

युनेस्को सम्पदायात खतराया सूचीपाखें चिइकेगु नितिं सरकारयात दंछिछ्या ई ब्यूगु ख: । संस्कृति, पर्यटन व नागरिक उड्डयन मन्त्रालयया सचिव प्रेमकुमार राई नं शुक्रवा: न्हूम्ह संस्कृति, पर्यटन व नागरिक उड्डयन मन्त्री जीवनबहादुर शाहीयात थुकिया जानकारी ब्यूगु ख: । अथे विश्व सम्पदा सुचिया धलखं चीकेगु धका: ख्याच्व: बियाच्वंगु अवस्थाय् तकं अज्व:गु सम्पदायात पुन: निर्माणया नितिं मा:गु कथं प्राथमिकता विइगु ज्या यानाच्वंगु मदु । वरु भिमसेन थापां दयेकावंगु धरहरायात धा:सा पुन: निर्माण यायेगु नितिं सरकारनिसें यँ महानगरपालिकां तकं प्राथमिकता बिया अभियान न्ह्याकाच्वंगु दु । अथे राज्य पक्षं पुन: निर्माणयात कया मा:गु कथं ध्यान मबिउगुलिं स्थानीयबासी नापं नेवा:तय्सं सरोकार क्यनाह:गु दु ।



पिदंगु दु
स्वंगू सफू

उपन्यास

थ्वया च्वंगु स:

न्वचू, उद्घोषण व एफ एम

संचालन कला नास:

चिनाखँ मुना ईब्य:या चिनाखँ



नजरराम महर्जनया
भिंछंगूगु उपन्यास
'थ्वयाच्वंगु स:'

मू
निस: तका जक



श्रीकृष्ण महर्जनया
न्यागूगु सफू
'नास:'

मू
न्यय् तका जक



नाति महर्जनया
न्हापांगु सफू
'ईब्य:या चिनाखँ'

मू
सच्छि तका जक

थ:गु प्रति
सुरक्षित
यानादिसँ
न्हि
स्वापू

४३३३००७,
९८४१४०१०७७



ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

सम्पादकिय

नेवा:तय्सं क्यंगु सरोकार

स्वनिगःया आदिवासी नेवा:तय्सं राजनीतिक विषय नाप नापं स्वनिगल्य विकासया नामय निर्माण जुयाच्वंगु व यायेत्यंगु विषययात कया सरोकार क्यनाहःगु दु । विशेष याना येंया वसपार्कय भ्यू टावर धका: तजा:गु छें दयेका बाल बिङ्गु योजना यें महानगरपालिकां दयेकूयात आपत्ति प्वकुसैं नेवा:तय्सं महानगरपालिकां व्यापार यायेगु मखु धका: स: तयाहःगु दु ।

अथे हे येंया न्हूपुखू अर्थात लानी पुखुलिङ तःभुखाचं क्षति जूगु देगः आधुनिक कथं कक्रितया देगः थें दयेकेगु ज्या न्ह्याकूगुलिं न्हापा मल्ल कालय नेपाली शैली अर्थात पेगोडा शैली दयेकातःगु उगु देगः ९० सालया तःभुखाय लिपा गुम्बज शैली दयेकूगुलिं आ:या अवस्थाय पेगोडा शैली हे दयेकेमा: धका: स: तयेगु ज्या या:गु दु ।

थ्व नाप नापं विश्व सम्पदा सुचिङ दुथ्यानाच्वंगु येंया हनुमान ध्वाखा दरवार क्षेत्र तःभुखाचं क्षति जूगुयात पुनः निर्माण यायेगुसिबें भिमसेन थापां दयेकावंगु धरहरायात पुनः निर्माण यायेगु ज्यायात महानगरपालिकां प्राथमिकता वियाच्वंगुलिं उक्रियात तर्क आपत्ति प्वकुसैं महानगरवासी नेवा:तय्सं सरोकार क्यनाहःगु दु । थ्व छगू कथं नागरिकत सचेत जुया सरोकार क्यनाहःगु च्छायेवहःगु ज्या जूगु दु ।

मखुला ?

निरज



विदेशे बने मा ला ? ध्यवा कमाया त?, ट्राफिक पुलिस जुला, अले रोड-रोडे ध्यवा छापे या ।

छु आधारय ५६५ धइगु तथ्यपरक ?



सानुराजा शाक्य

मुख्यतः संघीय प्रदेशयात फेल यायेगु नियत कथं स्थानीय निकाय पुनर्संरचना यायेगु अभियान कथं स्थानीय निकाय पुनर्संरचना आयोगं ज्या यानाच्वंगु आशंका ब्वलंगु दु । संविधानय अल्पसंख्यक जातजातियात विशेष, संरक्षित व धा:सां संविधानं अधिकारया व्यवस्था मया:गु वरु स्थानीय निकाय पुनर्संरचना आयोगं उज्व:गु प्रावधान हे आवश्यक मजू धका: उक्रियात व्यवस्था हे मजुइगु कथं पुनर्संरचना याये त्यन । हानं गबलें नं विशेष व संरक्षित क्षेत्र गठन जुइ मफइगु कथं जिल्लाया सिमाना हेरफेर याये मदइगु आयोगया कार्यक्षेत्रं याना न्हूगु संविधानं गथे छगू लाख अघ्व: दुपिं आदिवासी जनजातिया पहिचान सहितया प्रदेशया सम्भावना अन्त यात, आ: वया स्थानीय निकाय पुनर्संरचना आयोगं छगू लाख स्वयां म्होदुपिं आदिवासी जनजातिया विशेष क्षेत्र गठन जुइ फइगु सम्भावना अन्त याना बिउगु जुल ।

उच्च जातया छुं उच्च राजनीतिज्ञतय ब्वथाय च्वना उच्च राजनीतिज्ञतयत जक सुविधा जुइ कथं न्हूगु प्रदेश सहितया संविधान पारित जूगु घोषणा यात । दकलय न्हापां संख्या क्व:छिना: मापदण्ड मा: जुइगु अ:ख: बुद्धि सुधार जुइ मा:गु खनेदु । थन संख्या क्व:छिधुंका: मापदण्ड एडजस्त यायेत स्वईपिं उच्च जातया उच्च राजनीतिज्ञतय अ:ख: बुद्धिया कारण हे नेपा: अ:खतं विकास जुइत बाध्य जूगु ख: । गुलि प्रदेश दयेकेगु धइगु सवालय नं उमिसं न्हापां प्रदेशया ल्या: निश्चित याना: अले मापदण्ड एडजस्त यायेत स्वल । अयनं न्हयगु प्रदेश दयेके मा:गु कारण जिस्टफाइ याये फुगु मदु । मात्र यक्व प्रदेश दयेकल धायेवं आर्थिक भार यक्व जुइ धइगु लिधंसायात जक उमिसं न्हय:ने तइ । अथे ख:सा आर्थिक कारण न्हयगु प्रदेश म्वाके फइगु तर च्यागू भिगु प्रदेश म्वाके थाकुइ धका: भ्रम बीमा:गु छाय ? आर्थिक कारण हे ख:सा न्हयगु प्रदेश नं म्वाइ मखु वा संघीयता हे अफाप धका: धा:सा ला जि हे जिल नि । जुइमागु प्रदेश गठनया आधार पहिचान व सामर्थ्य धका: दयेकूसेलि पहिचान व सामर्थ्यता ता:लाका: र्वगू प्रदेश दयेके जिउ उलि प्रदेशया वकालत यायेमा: तर न्हापां ल्या:यात प्राथमिकता विया: अले उगु उमिगु अधिकार प्रदेशय ला मदयेके हे

ल्या: ५६५ जुइमा वा ३६५ वा १०६५ हे छाय मजुइमा थुकथं दयेकूगु स्थानीय निकाय आदिवासी जनजाति, मधेसीत सघन रुपं च्वनाच्वंगु भूभागयात खण्डित मजुइगु कथं स्थानीय निकायया पुनर्संरचना जुइमा:गु विषय भीगु सरोकार ख: ।

ल्या:या आधार मालेत स्वल । उक्तं हे स्थानीय निकाय पुनर्संरचनाया सवालय नं दकलय न्हापां सैद्धान्तिक आधारत तयार याना: वहे आधारय गुलि ल्याखय स्थानीय निकाय गठन जुइ धका: पिकाये मा:गु ख: तर थन गुक्तं आधार मालेगुली मखु उच्च जातिया छुं राजनीतिज्ञत च्वना: थ:पित सुविधा जुइ कथं संविधान, पुनर्संरचना व स्थानीय निकाय पुनर्संरचना यायेत स्वयाच्वन ।

नेवा:तयत् पहिचानवादीतयसं स्थानीय निकाय पुनर्संरचनायात गुगु दृष्टिकोणं स्वयेगु थ्व सवालय नं भचाभचा चर्चा परिचर्चा जूगु दु माक्व जूगु मदु । आन्दोलनरत दलत संविधान संशोधन व प्रदेशया सिमांकनय हे केन्द्रित जुयाच्वंगु खनेदु । स्थानीय निकाय पुनर्संरचना नाप सरोकार दुगु आदिवासी जनजाति व मधेसीतयत् राजनीतिक व जातीय संघ संस्थात वंगु निक्व:गु संविधानसभाया चुनावया लिच्व: धुंका सशक्त रुपं मुदाय केन्द्रित जुया: वहसय वयेफुगु अवस्थाया विकास मजुनि । आदिवासी जनजातिया जातीय संघसंस्थात अफ नं वहे नख: चख: हनेगु हे पहिचान कार्यभार धइगु कथं अलमलय लानाच्वंगु दनि । उकिं स्थानीय निकाय पुनर्संरचना आयोग दयेका: गुक्तं जिल्ला जिल्लाय सुभाब कयाच्वंगु दु उगु ज्या प्रति सरोकारवाला समुदाय आदिवासी जनजाति व मधेसीत च्वनाच्वन धइगु आलोचना वयाच्वंगु दु । थुकी मध्ये मधेसया छुं जिल्लाय मधेसी कार्यकर्तातयसं स्थानीय निकाय पुनर्संरचनाया सुभाब व छलफल ज्याभव:यात विफल याना बिउगु समाचार बाहेक गुलि जिल्लाय उज्व:गु कार्यक्रम जुल धका: सरोकार वालातयसं तर्क लिपा तिनि सिल । आयोगया पदाधिकारीतयसं नं थ्व सुभाब संकलनयात जिल्ला जिल्लाय छुं कर्मचारी व त:धंगु छुं दलया उच्च जातया नेतात जक उपस्थित जूइगु कथं ज्या याना: सुभाब संकलन जुल धका: धयाच्वंगु दु ।

स्थानीय निकाय पुनर्संरचनायात आदिवासी जनजाति व मधेसी लगायत पहिचानवादीतयसं पुनर्संरचनाया ल्या: ५६५ य अलमल जुइगु मखु । कांग्रेस एमाले व माओवादी गुक्तं स्थानीय निकाय ५६५ दयेकेगु कि म्हो यायेगु कि वा अप्वयेकेगु धका: यानाच्वंगु वहस हे पहिचानवादीतयत् अलमल याना: उमिगु अधिकार प्रदेशय ला मदयेके हे

धुंकल स्थानीय निकायय नं सुरक्षित मयायेगु षडयन्त्रया रुपय स्थानीय निकायया ल्या:या वहस धका: थुइकेमा: । ल्या: ५६५ जुइमा वा ३६५ वा १०६५ हे छाय मजुइमा थुकथं दयेकूगु स्थानीय निकाय आदिवासी जनजाति, मधेसीत सघन रुपं च्वनाच्वंगु भूभागयात खण्डित मजुइगु कथं स्थानीय निकायया पुनर्संरचना जुइमा:गु विषय भीगु सरोकार ख: । तर स्थानीय निकायया पुनर्संरचना आयोगया अवधारणा थुकथं वयाच्वंगु मदु व थुकथं याइगु सम्भावना नं मदु । उकिं स्थानीय निकाय पुनर्संरचनाया सैद्धान्तिक आधारय हे भीगु विरोध जुसेलि ल्या: नाप भीगु सरोकार दइगु नं मखुत ।

संविधानय अल्पसंख्यक समुदाययात केन्द्रित याना: दयेके फइगु कथं विशेष, स्वायत्त व संरक्षित क्षेत्र दयेके फइ धका: च्वयात:गु दु । तर थुज्व:गु क्षेत्रया अधिकार बारे संविधान मौन तिनि । न्हापांगु संविधान सभाया राज्य पुनर्संरचना तथा शक्ति बाँडफाँड समिति थुज्व:गु क्षेत्रयात प्रदेशया हे अधिकार दइगु कथंया कल्पना यानात:गु ख: । तर न्हूगु संविधानय विशेष, स्वायत्त व संरक्षित क्षेत्र स्थानीय निकायया हैसियत कथं दयेकेगु परिकल्पना यानात:गु ख: । प्रदेशस्तरय पहिचान मदइगु संघीयता हये धुंका: स्थानीय निकायया हैसियत हे सही अल्पसंख्यक समुदायया निंतिं जूसां पहिचान दइगु कथं विशेष, स्वायत्त व संरक्षित क्षेत्र न्हूगु संविधानं व्यवस्था या:गु दु धइगु आशा नं थ्व स्थानीय निकाय पुनर्संरचनाया कार्यक्षेत्र व अवधारणां खण्डित याना बिउगु दु । जिल्ला व गाविस वडाया सिमाना उखेथुखे याये मफइगु शर्त व स्थानीय निकाय पुनर्संरचना आयोगया पदाधिकारीतयसं संविधानय दुगु विशेष, स्वायत्त व संरक्षित क्षेत्र आवश्यक मजू धइगु धापूयात प्रमाणित यायेकथं गुगु नं अल्पसंख्यक समुदायया विशेष, स्वायत्त व संरक्षित क्षेत्र दयेके मफइगु ५६५ गू स्थानीय निकायया प्रस्ताव शक्ति केन्द्रय हावी जुयाच्वंगु उच्च जातिया राजनीतिक दलया उच्च राजनीतिज्ञतय स्वार्थ पूवनी कथं सिमांकन याना: ह:गु स्थानीय निकायया पुनर्संरचनाया प्रस्ताव तप्यं क संघीयतायात असफल यायेगु मनसाय सुलाच्वंगु खनेदत ।

बाघभैरव प्याखंया गुथियात सिरपा: ल:ल्हात योग साधना समाजया हिदान



ज्वजलपा वा:पौ /

त:दँ न्हय:निसें त्रिभुवन विश्वविद्यालयया खुल्ला चौरय् निशुल्क योग ध्यान शिविर संचालन याना वयाच्वंगु किपूया योग साधना समाजं भिग भाद्र ११ गते नयाँबजारय् हिदान ज्याभव: या:गु दु । उगु हिदान ज्याभवलय् मिर्जपिं ७४ म्ह व मिसापिं १८ म्हेस्यां हिदान यानादीगु ख: ।

ज्वजलपा वा:पौ /

भिनिर्दया प्याखं क्यना वयाच्वंगु श्री बाघभैरव माली गुथियात रुद्र बहादुर स्मृति प्रतिष्ठानपाखें रुद्र बहादुर स्मृति सम्पदा तथा संस्कृति संरक्षण सिरपा: ल:ल्हा:गु दु । किपुलिइ शनिवा: प्रतिष्ठानया न्हापांगु त:मुंज्यासें किपूया म्हसीका पिब्वयाच्वंगु अमूर्त सम्पदाया रुपय् धस्वाका वयाच्वंगु भिनिर्दया बाघभैरव देवराण प्याखंयात निरन्तरता विया वयाच्वंगु उगु गुथिया प्याखं गुरु नापं कलाकारपिन्त वेतलिं चिका हनेगु ज्या नाप नापं नीद्व: तक्या दां तकं ल:ल्हा:गु ख: ।

प्रतिष्ठानया नाय: रविन्द्रबहादुर प्रधानया सभापतित्वय् मूपाहां सांसद राजन केसी जुयादीगु ख:सा विशिष्ट पाहां कथं सांसद रुपा महर्जन व उद्धवप्रसाद रिजाल जुयादीगु ख: । सुनिल श्रेष्ठ संचालन यानादीगु उगु ज्याभवलय् डिएसपी डा. मेखबहादुर खत्री, संरक्षक राधादेवी प्रधान व सल्लाहकार टिकाराम महर्जन पाहां जुयादीगु ख: ।

किपुलिइ वृहत नि:शुल्क स्वास्थ्य शिविर

ज्वजलपा वा:पौ /

कीर्तिपुर बहुउद्देशीय सहकारी संस्था लि. व नेपाल आयुर्वेद विद्यार्थी समाजया मंका: खसालय् शनिवा: वृहत नि:शुल्क स्वास्थ्य शिविर जुल । किपूया मंगल उच्च माविइ जूगु उगु शिविरय् नि:शुल्क स्वास्थ्य परिक्षण यायेगु नापं नि:शुल्क वास: इनेगु ज्या तकं या:गु ख: ।



हार्दिक समवेदना



जन्म: ने.सं.१०५९
पौष



स्व. दानवहादुर तण्डुकार

निधन: ने.सं.११३६
गुलाथ्व सप्तमी
(वि. सं. २०७३
श्रावण २६)



राराहिल मेमोरियल गुठीका संस्थापक गुठीयार एवं पूर्व प्रमुख गुठीयार प्रकाश तण्डुकारका पूज्य पिता दानवहादुर तण्डुकारको मिति २०७३ श्रावण २६ गते बुधवारको दिन ७७ वर्षमा असामयिक निधन भएकोले यस राराहिल परिवार गहिरो दु:ख प्रकट गर्दछ । साथै शोकाकुल मित्र प्रकाश तण्डुकार एव 'उहाँको परिवारजनप्रति हार्दिक समवेदना प्रकट गर्दछ । यस दु:खद घडीमा धैर्य धारण गर्न सक्ने शक्ति प्राप्तिको कामना पनि गरिन्छ ।

प्रिन्सिपल

तथा

राराहिल मेमोरियल स्कुल परिवार

नाग पंचमी



**इन्द्रबहादुर महर्जन
सिकुछें, पाँगा**

आस्तिक (आध्यात्मिक) कथं नाग धैम्ह जलदेवता धाई । नागया पाखे लःवगु जुया ख्वपे भासं लःयात ना: धाई ।

थ्वहे कथं नाग पंचमी कुनु जल देवता धका: नाग पुजा याई । थ्व दिनय् टौदहया कर्कोटक नागराजा, वज्रवाराही क्वय् नागदह, नक्साल नागवहा:, आदि थासे तःधंगु मेला जुई । नाग पुजा या:वईपिं यक्व दर्ई । काली नाग, वासुका नाग, शेष नाग, कर्कोटक नाग, तक्षक नाग थुपिं पंच चिरंजीवी नागराजा ख: । थुपिं गबले सीम्वा: गौमन काली नागया सन्तान ख: ।

कर्कोटक नागया सन्ताने न्ह्यपं थुथा जुई । काली नागया छयं नीछग: दु । कर्कोटक नागर

ाजाया न्हयग: छयं दु । वासुका नागया भिंछग: छयं दु । तक्षक नागया गुग: छयं दु । शेष नागया द्विछग: छयं दु ।

उकिं पंच नाग चिरंजिवि नागमध्ये शेषनाग तसकं बल्लाम्ह, तसकं तंम्बइम्ह नाग ख: । त्रेतायुगय् रामया किजा लक्ष्मण, द्वापरयुगय् कृष्णया दाजु बलराम जुया लिला म्हितावंगु विष्णु पुराणे च्यातःगु दु ।

समुद्र मन्थन, भक्त प्रल्हादया छय् बलीराजाया इले देवगण व राक्षसगण मिलय् जुया हिन्द महासागर समुद्र मन्थन या:गु इले वासुका नागरयात सुमेरु पर्वतय् हिना समुद्रया पातालय् विष्णु भगवान कक्षप अवतार कछुवा (तःधिका:म्ह कावली) या म्हय् सुमेरु पर्वत दिका वासुका नागं हिना समुद्र मन्थन या:गु विष्णु पुराणय च्यातःगु दु । नागया छयंपाखे देवगण, नागया न्ह्यपं पाखे राक्षस गण मिलेजुया समुद्र मन्थन या:गु ख: ।

समुद्र मन्थनं न्हापां विष पिहांवया पृथ्वी विध्वंश मजुइकित: महादेवं व विषया हावा नुना वीष महादेवं थःगु कण्ठय् (गलचाय्) तया महादेव यात नीलकण्ठ नांतःगु व म्ह

हाक्या वंगु । अथे वीषं यक्व पुनां सहायाये मफया च्वापुया लखं खाउँकेत सिलुतीर्थे (गोसाईकुण्ड) लखय् दुने देनाच्वंगु धैगु विष्णु पुरानय् दु ।

द्वापर युगय् काली नागं विष ल्त्वया व पुखुली : त्वंवःपिं सा, च्वले सिना व इलाकाय् च्वपिं त्रास जुगूलिं कृष्ण व पुखुली कुहांवना काली नागनापं युद्ध याना कालीनागयात बुकाविल । उक्नुनिसें नागं वीष मल्त्वसे मेगु थासय् च्वंवंगु खँ कृष्ण लीलाय् दु । व काली नागं यमराजयात क्वीकिगु ज्या याई ।

तक्षक नागं अहिंसा देवतायात जक क्वीकिगु ज्या याई । भगवान बुद्ध, गंगा माता, चोभा: करुणामय वा दक्व करुणामय, जनमाद्य:, मच्छेन्द्र नाथ, दक्व अहिंसा द्यःयात क्वीकीगु ज्या याई ।

महालक्ष्मी, बुद्ध बाहेक सम्पूर्ण विष्णु अवतार यात शेष नागं क्वीकिगु ज्या याई । वासुका नागं महादेवी पार्वती निसें वज्रयोगिनी, चामुण्डा, महाकाली, भद्रकाली, श्रीकाली, रक्तकाली, कंकाली, चन्देश्वरी, उग्रचण्डी, स्वेतकाली दक्व पार्वतीया अवतारयात क्वीकिगु ज्या याई । अथेंतुं अस्त

भैरव वाक्छैस्व, पचली, मचली, स्वेत, वतुका, कालभैरव, महाकाल, टीका भैरव निसें सम्पूर्ण भैरव, कुमार, गणेशदक्व अवतारयात क्वीकिगु ज्या याई ।

काठमाडौं उपत्यकाय् लिच्छवी कालय ख्वपय् नरेन्द्र दुवया इलय् १२ वर्षतक वा मवःगु मुख्य कारण गोरखनाथ नवनारायणयात खिप निलेथें निला:फुल्चोक डांडाय् वजिंक नागयात फय्तुना: तपस्या या:गु कारणं ख: धैगु मच्छेन्द्रनाथ यागु वंशावली च्यातःगु दु ।

नागयागु शक्ति विनां वा मवइगु जुया नागयात जलदेवता धका पुजा याई । थुगकथं नाग पंचमी नेवा: नख: हनाच्वंगु दु ।

गरुड नागया राजा नं धाई तर तर व विष्णु भगवानया वाहन ख:सां थ: किजा म्हयपीयात आहारा वीत गरुद नाग अपहरण याना यंकाच्वंगु दु ।

गरुदया किजा निम्ह मध्ये त्रेतायुगे रावणं रावणं सीता अपहरा या:गुलिं रावणपाखें सीतायात बचय याय्त र ावणनापं जतायु युद्ध जुल । र ावणं गरुदया कान्छाम्ह किजा जतायुयात स्याना विउगुलिं निम्ह

जक दनी । २०२७ सालपाखे कीर्तिपुर क्छमभैरव क्वय् लक्ष्मी गालय् च्वंम्ह नागयात गरुद अपहरण या:गु इलय् तसकं वाफय् वया: नागया म्ह गनगनं लुयायन किपुली गःछें, द्यःधाखा त्वालय् च्वपिनि छेंया पली (पौ) पुइका यंकूगु खँ सकसिनं स्यू ।

अनंलिपा लक्ष्मीगाल् ल: गनावन । गरुद नं चिरंजीवी ख: । सकस्यां नागतय् जुजु गरुद जूसां कालीनाग दक्व सन्तानया काली नागराजा थःगु वंश पाखे राजा ख: । शेषनाग, कर्कोटक नाग, वासुका नाग, तक्षक नाग फुकं थःथःगु वं नागत सृष्टि याना करोडौं नाग सृष्टि जूगु खँ विष्णु पुराण, शिव पुराणे च्यातःगु खनेदु ।

द्वापरयुगे आकासुर नागयात कृष्ण स्याना विउगु कृष्ण लिलाय च्यातःगु दु ।

आकासुर नागयात सन्तान अन्नाकोण्डा पृथ्वी दकले तःधिका:पिं अजिगरपिं । थुगकथं नागतयगु सृष्टि जूगु खँ धार ावाही पुराणय च्यातःगु दु । १८ पुराणय् दक्व ज्ञान ब्वना स्वयेवल्य थजा:गु ज्ञान नं लुयावःगु दु । नागत नं दैवी

शक्ति पाखे जन्मजूपिं नागतयके जक नागमणि दै । दक्व नागतयके नागमणि दैम्खु । पृथ्वी २५०० जातिया नाग दु धैगु वैज्ञानिक प्रमाणित या:गु दु । दैवी शक्तिहीनपिं नाग, ताहातय्त स्या:सां ला न:सां छुं जुइमखु तर आस्तिक (दैवीशक्ति) दुपिं नागतय्त स्यातकी तसकं दसां कयेय: गथे बेखानाग, दोपातय् च्वनीपिं नाग ।

नागतय् यदि इमि सन्तान वा मिजं, मिसां मध्ये छम्ह स्यातकी व स्याम्हेसियागु किपा खनी । मिसाम्हेसित स्यासा मिजंम्ह खनी, मिजंम्हेसित स्यासा मिसाम्ह खनी ।

थ्व महादेवं नाग दक्वसित वर दान विउगु शिवपुराणय खनेदु । दैवीशक्ति चिरंजीवी नाग बाहेक मेमेपिं नाग, ताहातयगु आयु ५०० वर्ष जक दै उकिं इपिं कालं सी फैमखु धका: वैज्ञानिकतयस धाइ । छगू विचार पाखे वैज्ञानिक व धार्मिक पाखे खँ ज्वला ।

थुगकथं मनुया दच्छि द्यःया छन्हु नं धाई । थ्वखँ सुर्च थःगु कक्ष छचाहिलित १ वर्षमा: सुर्च छचाहिलिगु दुर्बया लागि न्हिच्यिन्हिचि ख: भीत दक्षी ख: ।

हार्दिक श्रद्धाञ्जली

जन्म: ने. सं.
१०७३ भाद्र
शुक्ल अस्तमी



स्व. रामशरण महर्जन

निधन:
ने.सं. ११३६
गुलाथ्व त्रयोदशी



यस मङ्गल बहुमुखी क्याम्पसको क्याम्पस व्यवस्थापन समितिका अध्यक्ष तथा मङ्गल उ.मा.वि.को सल्लाहकार एवं भू.पू. अध्यक्षका सहृदयी दाजु यस विद्यालय/क्याम्पसको शुभचिन्तक **रामशरण महर्जन**को गत श्रावण ३२ गते ६३ वर्षको उमेरमा असामयिक निधन हुनु भएकोले दिवंगत आत्माको चीरशान्तिको कामना गर्दै आज १३ औं दिनको पुण्य तिथिमा हार्दिक श्रद्धाञ्जली व्यक्त गर्दै शोकाकुल परिवारजनमा धैर्यधारण गर्ने शक्ति मिलोस् भनी समवेदना व्यक्त गर्दछौं ।

मङ्गल बहुमुखी क्याम्पस

मङ्गल उच्च मा.वि.

नयाँबजार, कीर्तिपुर

हार्दिक श्रद्धाञ्जली

जन्म: ने. सं.
१०७३ भाद्र
शुक्ल अस्तमी



स्व. रामशरण महर्जन

निधन:
ने.सं. ११३६
गुलाथ्व त्रयोदशी



यस बैंकका Officiating Branch Manager जया महर्जनका पुज्यनीय पिता **रामशरण महर्जन**को गत श्रावण ३२ गते ६३ वर्षको उमेरमा असामयिक निधन भएको आज १३ औं दिनको पुण्यतिथिमा दिवंगत आत्माको चिरशान्तिको कामना गर्दै श्रद्धाञ्जली अर्पण गर्दछौं । साथै यस दुःखद घडीमा शोकसन्तप्त परिवार जनप्रति हार्दिक समवेदना व्यक्त गर्दछौं ।

Global IME Bank Ltd

Kirtipur Branch :
Kirtipur, Kathmandu, Nepal



अन्धविश्वासय लिकुनाच्वंगु विज्ञान

फुंगाय् न्हइ मत्यः

लाकां न्ह्यायेगु चलन मदु। अप्ठः धयाथें नांगा तुति हे न्यासि वनेगु चलन दु। थज्याःगु अवस्थाय् लैय् च्वंगु धू व फोहरय् दइपिं किटाणुत तुती प्यपुना वइगु यक्व सम्भावना दइ। खनेदुगु फोहर न्हइबलय् तुति सिलेगु याइ। मन्हइबलय् तुति सिलेगु उलि कुतः मयायेफु। अथे जुइबलय् तुती च्वंगु धू थाना हे च्वंगु दइ। साधारणकथं तुति सिला जक नं सुक्ष्म कीत यचुक वनी हे धकाः नं धाये फइमखु।

फुंगाय् न्हइगु मामिलाय् ह्याउँ मस्तय्गु फुंगायात हाचांतक गाये मज्यू धयागु मान्यता दु। सुनां नं हाचां गाल बाय् न्हूल धायेवं मचा खयाः दुख वीगु व उसाय् तकं मदयेयः धकाः धाइ। स्वास्थ्य विज्ञान कथं ह्याउँ मस्तय्गु शरीर तसकं क्यातुइ। सुसाः कुसाः यायेगुली छुं भचा जक चयक्वय् जुल धायेवं हे इमिगु उसाय् स्थनेयः। तःधिकाःपिनिगु दौजोय् इमिगु उसाय्यात यक्व च्यूताः तयेमाः। सुनां नं फुंगाय् न्हूगु बाय् हाचांगाःगु दःसां उसायल्य् छुं असर मलाकेया लागि चिकं वुकीबलय् इमिगु

फुंगां निभालय् फयेगु व मी पनेगु याइ। च्वय् न्हयथनागु थीथी हुनिं यानाः फुंगाय् न्हइ मत्यः धयागु मान्ता दयेकातःगु खः।

बरखां लिबाक ज्या याये मत्यः

बरखां लिबाक ज्या याये मत्यः धयागु लोक मान्यता दु। लिबाक धयागु निभाः विइ धुंकाया ई खः। थ्व मान्यता मेमेगु ख्यलय् सिकं वुंज्याया ख्यलय् अप्ठः छयलातःगु खनेदु। बरखां वुई ज्या यायेगु धयागु अप्ठः याना वाव्यय् यायेगु ज्या जुइ। वा पि सिधयेकाया बखतयात बरखामास धायेगु चलन दु। थुबलय्या लः यक्व ख्वाउँसे मच्वंसे लुमुलुमु धाइ। थज्याःगु लखय् थीथी कथंया कि पतंगव यक्व दयाच्वनी। थज्यापिं कीत मध्ये प्या नं छगू खः। थ्व लः मदुथायनं म्वाये फु। प्या धयामह हि त्वनीमह जीव खः। थुमिसं हि त्वनी बलय् काचाक चाइमखु। थ्वं भीगु मह आदिथासय् प्यपुनाः हित्वनी। थुमिसं न्याःथाय् घालय् हि उजुं सुजुं खइमखु सुल्ल सुल्ल वयाच्वनी। दः ख्युंसे च्वने धुंकाः प्या प्यपुनाः वःसां काचाक खंके फइमखु। थथे जुल धायेवं देने बलय्

लासा आदि थासय् नं हि लायेफु। गलय् दुने च्वनीपिं नवःचा, ताहाः आदि ख्युंसे च्वनाः सुं जू मदुथें च्वन धायेवं गलं पिहां वयाच्वनी। नसा मालेत उखें थुखें नं जुयाच्वनी। सुनसान जुइबलय् थज्यापिं की पतंगत अप्ठःयाना लैय् नं च्वनेगु याः। निभाः बिकाः ख्युंसे च्वंकाः थज्यागु लै जुइबलय् मखंसे अज्यापिन्त न्हइफु। हताः याःगु तायेकाः थज्याबलय् इमिसं न्याइगु यक्व संभावना दइ। भ्वालां पालां वा वयाच्वनीगुलिं थ्व बखतय् लैय् नं लः दया ध्याचः जुयाच्वनी। थज्यागु लैय् जुइबलय् चुलुइ यः। लैय् गनं गनं गाः नं दयाच्वने फु। दः ख्युंकातक कुं ज्या याना छें वनेबलय् ख्युंसे च्वना थज्यागु गाःबगालय् भ्वाग्रा पाग्रा वनाः तुति कितिक कातिक नं वनेफु। लैय् चुलुयाः दःसां काचाक देने मफयेफु।

थुगु बखतं भूमिया यक्व व्व वावालिं मुनाच्वनी। आकासय् नं अप्ठः धयाथें सुपाय् दयच्वनी। थ्व हुनिं याना जः परावतित जुइगु म्हो जुइ। उकिं निभाः दः वीवं हे छक्कलं ख्युंसे च्वनावइ। अथेजुया थ्व बखतयात भूमि ख्युं नं धायेगु याः। छक्कलं भूमि ख्युंया ख्युंसे च्वने यःगुलिं लिबाक ज्या



पन्नारत्न महर्जन

सनाच्वनकि भन हे लिबाइगु जुइ। दः तुइसे निसं ख्युं मजुतले ज्या यायेगु भीगु बानि दु। थ्व बखत धयागु चा चिहाकः जुयाः निह ताहक जुइगु खः। थज्यागु बखतय् नं दः ख्युंकाः तक ज्या यायेबलय् म्हं म्हं मजुइ यः। भासुलनेगु म्हो व ज्या यायेगु अप्ठः जुलकि जिवय् धपिद जुयाः म्हं मफयेयः।

निभाः मदयाः लकस ख्वाउँसे च्वन धायेवं वामाहःया च्वकाय् लः फुति कनावइ। थ्व हायेके मज्यू धयागु मान्यता दु। थ्वयात अमृत लः धाइ। थ्व वामाया शक्ति खः। थ्व हायेकलकि वामाया शक्ति ह्रास जुइ। थुकिं वा सइगुली वामलाःगु लिच्वः लाकी। थज्याःगु थीथी हुनिं यानाः बरखां निभाः बिकाः बाय दः ख्युंसे च्वंकाः तक ज्या याये मत्यः धयातःगु खः।



इन्द्र बज्या

यःसिं थंगु दिनय् हे मरु सतः न्हयःने इन्द्रया मूर्ति बज्या नं याइ। बाखं कथं पालिजाः स्वां खुयाः काःमह धकाः इन्द्रयात चिना सकलसिनं खने दयेक खः हे ग्वयाः अथे प्रदर्शन याना तइगु खः। अथे हे वंघः नापं थीथी थासय् तकं उखुन्हुनिसं हे इन्द्रयात बज्या यायेगु सुरु याइ।

थीथी आजुचः बज्या

यःसिं थने धुंकाः उखुन्हु हे यैया थीथी थासय् थीथी आकृतिया आजु दःयात नं बज्या सुरु याइ। अले न्हिया न्हिथं पूजा यायेगु तकं याइ। गनं गनं सियागु अले गनं गनं धाःसा चायागु आजु दः बज्यागु नाप नापं हाथु हायेकेगु तकं याइ।

पुलुकिसि प्याखं

यैयाःया छगू आकर्षक जुयाच्वंगु प्याखं धइगु पुलुकिसि प्याखं खः। किलाघःया स्थानीयवासीतय्सं प्याखं ल्हइका वयाच्वंगु पुलुकिसि नं यःसिं थंगु दिननिसं हे न्हिया न्हिथं पिकाइगु खः।

इन्द्रं तुयुमह किसि गयाः यैय् पालिजाः स्वां खूवःगु खः धकाः बाखंया आधारय् हे अथे तुयुमह किसियात चाःहिइकेगु याना वयाच्वंगु खः।

पंयागु चिचीबाला जुइक दयेकातःगु पंबालायात पुलु धाइगु

खःसा व हे पुलु दयेकातःगु किसि जुया हे पुलु किसि धाःगु खः धाइ। अले पुलु किसिया दुने मनूत च्वना धाः बाजंया तालय् मूस्याः च्याका न्ह्याइपुक प्याखं ल्हइका हया बहनी जुइवं हनुमानध्वाखा लागा नापं बसन्तपू लागाय् तकं यंकेमाःगु चलन दु।

पुलुकिसि यैयाःया भूवल्य् कुमारी, गणेश व भैरवया रथ जात्रा न्हयः न्हयः यंकेमाःगु चलन दु। पुलुकिसि प्याखं नं यैयाः क्वचाइगु दिन तक हे न्हिया न्हिथं हे पिकया हनुमानध्वाखय् यंकेमाःगु चलन दु।

सवःभकु प्याखं

यःसिं थंगु दिननिसं हे हल्चोया पुतवार समुदायपाखें यैयाःया भूवल्य् सवःभकु प्याखं पिकायेगु याइ। थुगु प्याखंयात भैरवया प्याखं नं धायेगु याना वयाच्वंगु दु।

बाजंया ताल हे घिन्दलि सिन्ताड धकाः थाइगु जुया पुलां पुलापिम मनूतय्सं थुगु प्याखंयात घिनदलि सिन्ताड प्याखं नं धायगु याना वयाच्वंगु दु। थुगु प्याखनय् मूल रुपं सवः, भकु व भैरव याना स्वमह प्याखंम्बःत दइ। थ्व ख्वाःपाः प्याखं खः। थुगु प्याखं नं यैयाःया अन्तिम दिं तक नं न्हिया न्हिथं पिकायेमाःगु नापं हनुमानध्वाखा लागाय् यंकेमाःगु चलन दु।

अले यैयाःया भूवल्य् क्वनेयाः, थनेयाः नापं नानिचायाः कुन्हु रथ जात्रा न्हयः न्हयः क्यना वनीगु चलन दु।

यैया मौलिक नखः यैयाः

श्रीकृष्ण महर्जन



लाखे प्याखं

यैया न्हूघः लागाया लाखे छैय् नं पिकाइमह लाखे धइगु मजिपाः लाखे खः। मजिपाःया लाखे जुगुलिं थुमह लाखेयात मजिपाः लाखे नं धायेगु याना वयाच्वंगु दु।

यःसिं थनीगु दिनय् लाखे छैय् पूजा याना उखुन्हुनिसं हे लाखे प्याखं नं पिथनेगु याइ। तसकं ग्यानपुसे च्वंगु नापं आकर्षक जूगु लाखेया ख्वाःपाः पुया हुइकीगु उगु प्याखनय् छमह भ्यालिंचा नं दइ।

लाखे व भ्यालिंचाया दथुइ म्हाता म्हाताः प्याखं क्यनेगु याइ। मजिपाः लाखे नं यैयाःया भूवल्य् जक पिकाइगु खः। अले क्वनेयाः, थनेयाः नापं नानिचा याःया इलय् कुमारी, भैरव, गणेशया र

थ न्हयः न्हयः लाखे प्याखं ल्हइका यंकीगु चलन दु।

महाकाल प्याखं

यैयाःया भूवल्य् हे यःसिं थंगु दिननिसं खपपाखें हनुमानध्वाखाय् महाकाल प्याखं क्यंवेयमाःगु चलन दु।

थीथी दःया ख्वाःपाः पुया हुइगु थुगु प्याखं दः प्याखं खः। थुगु प्याखं नं यैयाः क्वमचातले हे बहनी बहनी हनुमानध्वाखा लागाय् क्यनेमाःगु चलन दु।

दश अवतार

यःसिं थंगु दिनये हे बसन्तपुरया कुमारी छें लिक्क च्वंगु देगय् दस अवतार क्यनेगु याइ। विष्णुया थीथी कथंया भिगू अवतारयात न्हिया न्हिथं क्यनीगुयात हे दश अवतार क्यनेगु

धाइ। मत्स्य अवतार, बराहा अवतार, वामन अवतार लागायत विष्णुया भिगू अवतार धकाः मनू हे दः जुया क्यनेगु चलन दु।

ग्वरः च्याकीगु

यंलागाः द्वादशीया दिननिसं न्हिया न्हिथं हनुमानध्वाखा लागाय् मत च्याकीगु चलन दु। ग्वरः मत च्याकीगु जुया उगु मतयात ग्वरः मत धइगु खः। जात्राया इलय् छगू कथं जः विइत नापं बांलाकेगु नितिं अथे ग्वरः मत च्याकेगु याना वयाच्वंगु खः धाइ। सिंयागु देगः थें दयेका प्याः प्याचाय् पाल्वाय् इताः तया च्याकीगु मतयात हे ग्वरः मत धइगु खः। थुगु कथंया मत नं यैया ज्वःछि हे च्याकीगु खः। कथंहं.....


हार्दिक श्रद्धाञ्जली



जन्म:
वि.सं. २०२८
बैशाख



स्वर्गारोहण:
वि.सं. २०७३
श्रावण ३२



स्व.सावित्री महर्जन

तालतन्त्र फाईन आर्ट एण्ड म्यूजिक एकेडेमीका प्रोप्राइटर दिलिप महर्जनको अर्धाङ्गीनी तथा आर्ट प्रशिक्षक श्रीमती **सावित्री (सब्बु) महर्जन**को यही श्रावण ३२ गते अल्पायुमा असामयिक निधनले हामी मर्माहत भएका छौं । आज १३ औं दिनको पुण्यतिथिमा दिवंगत आत्माको चिरशान्तिको कामना गर्दै हार्दिक श्रद्धाञ्जली अर्पण गर्दछौं । साथै यस दुःखद घडीमा शोकसन्तप्त परिवारजनले धैर्यधारण गर्न सकून भनी समवेदना प्रकट गर्दछौं ।

श्रद्धाञ्जली अर्पण गर्नेहरू :

१. अविक्क शिवाकोटी
२. प्रवेश महर्जन
३. शम्भुराम महर्जन
४. विनोद महर्जन
५. केशराम महर्जन
६. मोहन महर्जन
७. विनोद गोपाल श्रेष्ठ
८. चेतना महर्जन
९. सुबिन श्रेष्ठ
१०. भरना श्रेष्ठ
११. राममाया महर्जन
१२. चेत नारायण सुवेदी
१३. आशा साउद
१४. सपना थामि
१५. सविना थामि

१६. गोविन्द शाही
१७. विजय धामी
१८. जीवन ढुंगेल
१९. राजेन्द्र नेपाल
२०. दिपक चौलागाई
२१. शंकर योङ्गहाङ्ग
२२. राहुल यङ्गहाङ्ग
२३. सौगात न्यौपाने
२४. सरगम सब्बु
२५. मन्दिपा रिजाल
२६. शान्ति शर्मा
२७. खगेन्द्र खड्का
२८. निमेश विष्ट
२९. पद्म बोहरा
३०. विजेन श्रेष्ठ

३१. गिरिष शाक्य
३२. रितिका शर्मा
३३. आरजु पौडेल
३४. स्वीकृति महर्जन
३५. रुद्र थापा क्षेत्री
३६. श्रेणी जोगी
३७. ननिशा महर्जन
३८. प्रवेश श्रेष्ठ
३९. अभय महर्जन
४०. कमलेश विष्ट
४१. राम विलास बुढा
४२. सुरेन्द्र सेढाई
४३. उद्धव कुमार श्रेष्ठ
४४. सुवास लिम्बु

तालतन्त्र फाईन आर्ट एण्ड म्यूजिक एकेडेमी
नयाँ बजार, कीर्तिपुर

श्रीकृष्णयात व्याधां स्या:गु पौराणिक बाखंया सन्दर्भय्



प्रा.डा. चन्द्रमान बज्जाचार्य

भागवत पुराणय् न्ह्यथनात:म्ह पौराणिक पात्र श्रीकृष्ण ख:, गौतम बुद्ध थें ऐतिहासिक पात्र मखु । उकिं श्रीकृष्ण व व सम्बन्धि पौराणिक आख्यानयात वास्तविकता धका: स्वीकार यायेमजिउ, अथवा व छम्ह सुं सुं च्वमिया प्रमुख काल्पनिक पात्र ख: । तर धूर्त पुरोहिततय्सं थ:थ:पिनिगु प्रतिभा, कला-कौशलया चमत्कार क्यना: गुलि फु उलि जनमानसय् श्रीकृष्णयात साक्षात भगवान याना: थ:पिनिगु पेशा ज्या न्हिन्हिथं तच्चयेका ह:गु भोगी समाज दुने 'भागवत महापुराण' सप्ताह न्यायेका: वयाच्चंगुलिं स्पष्ट या: । धर्मया यथार्थ छु नं मसिउपि नेपा:या

सोभापि जनताया नुग: नुगलय् श्रीकृष्ण भगवान स्वचाका: दान-दक्षिणा कया: पुरोहित वर्ग थ:पिनिगु बल्ला:गु पेशा दयेकाच्चंगु दु धा:सा समाजया अशिक्षित-अपठित मनुतय्गु मन-मस्तिष्कय् विष हवला: थौया नीछ्गूगू सदिया मनुतय्त पुलांगु मध्यकालय् हे लिध्वाना: छवयेगु मदिक प्रयास जुयाच्चंगु दु । श्रीकृष्णयात भगवान याना: श्रीकृष्णया भजन यात धा:सा मुक्ति, मोक्ष जुइ धका: थौया यथार्थ जीवनयात महत्वहीन याना: सीधुंका लिपाया जीवन हे सकतां ख: धका: मेगु लिपाया जीवनया कल्पनाय् मनुतय्त ब्वाका: मनुतय्त लखय् मिखा कंकात:गुया विरोधय् समाजप्रति चिउता: दुपिं प्रगतिशील भावना दुपिं सचेत नागरिकतय् अत्यन्त संवेदनशील जुइमा:गु अवस्था दु । थ्वहे सन्दर्भय् श्रीकृष्ण भगवानयात व्याधा छम्हसिनं स्या:गु प्रसंग न्ह्यब्वयेत्यना । छु धाथेंम्ह भगवान मृत्यु थुकथं जुइफइला ?

'महाभारत मौसल पर्व' अध्याय ४, २२-२४ पौ कथं श्रीकृष्णयात 'जरा' नांयाम्ह छम्ह

व्याधां स्या:गु खा न्ह्यथनात:गु दु । श्रीकृष्ण दुर्वासाया चिपगु खीर थ:गु म्हया अंग-प्रत्यंगय् इला: ला बिल, तर भूलं थ:गु पालितलय् बुलेगु धा:सा ल्व:मंकल । दुर्वासा ऋषिया वर दानं वयागु म्ह छम्ह (पालित: बाहेक) बज्र थें बल्लात, तर पालित: धा:सा नायूगु हे अवस्थाय् लात ।

गान्धारी महाभारत युद्ध याका: थ: कायपिं लगायत आपालं मनुत स्याकूगुया दोष श्रीकृष्णयात बिया: सरा: बिल । उगु सरा: श्रीकृष्णया जाति यादवत नं थवंथवय् ल्वाना: सर्वनाश जुइमा धइगु ख: ।

श्रीकृष्णया दाजु बलरामया मृत्युलिपा श्रीकृष्ण थ: बौ वसुदेवयाके विदा कया: थ: लानिपिनिगु सुरक्षाया लागि याकनं द्वारकाय् वयेगु सन्देश अर्जुनयात छवया: महायोग (समाधि) या आश्रय कायेत बनय् वना: अन बैय् चातु वानाच्वन । अबलय् 'जरा' नांयाम्ह छम्ह व्याधां मिर्गयात ल्युल्यु वयाच्वन । श्रीकृष्णणत मिर्ग तायेका: व वयात वाणं



वाण कृष्णया पालित:लय् लात, गुगु दुर्वासा ऋषिया खीर इला मबिउगुलिं निर्बल जुयाच्चंगु ख: । श्रीकृष्ण थुगुकथं मृत्यु जुइ धुनेवं तप्यंक बैकुण्ठय् थ्यन धका: व हे 'महाभारत'या मौसल पर्वय् च्वयात:गु दु ।

कयेकाबिल । वाण कृष्णया पालित:लय् लात, गुगु दुर्वासा ऋषिया खीर इला मबिउगुलिं निर्बल जुयाच्चंगु ख: । श्रीकृष्ण थुगुकथं मृत्यु जुइ धुनेवं तप्यंक बैकुण्ठय् थ्यन धका: व हे 'महाभारत'या मौसल पर्वय् च्वयात:गु दु ।

तर महाभारतया थ्व प्रसंगय् व्याधां थ:गु प्रतिशोध (ब्वलासा) कायेत श्रीकृष्णयात स्या:गुया अभिप्राय खनेमदु ।

'श्रीमद् भागवत पुराण'य् नं कृष्णया मृत्युलिपाया प्रसंगय्

छम्ह व्याधापाखें कृष्णया पालिइ वाणं कयेकूगु घटना न्ह्यथनात:गु दु । यदुवंशत थवंथवय् ल्वाना: सिना: अले बलरामया शरीर त्याग लिपा श्रीकृष्ण नं थ: परमधाम वनेगु निश्चय याना: बंगलसिमाया क्वय् च्वनाच्वन । 'जरा' नांयाम्ह व्याधां वयागु हयाउँ-हयाऊ धा:गु पालित:यात मिर्गया म्हुतुप्वा: तायेका: वाणं कयेकल । तर जब व थ:म्हसिनं भगवानया हे हत्या यानागु जुल धइगु सिल, अबलय् व तसकं ग्यात ।

कृष्णयाके वं क्षमाफ्वन, पश्चाताप प्रकट यात । श्रीकृष्ण वयात क्षमा जक बिउगु मखु दिव्यधाम नं बिल । व व्याधा विमानय् च्वना: म्वा: स्वाकं हे बैकुण्ठय् वन ।

'ब्रम्हवैवर्त पुराण'य् श्रीकृष्णया महाप्रयाणकालया वर्णन याना: कदम्ब सिमाय लिधनाच्वंम्ह कृष्णयात व्याधां छम्हसिनं थ:गु वाणं कयेकल । अले व्याधायात कृष्ण बैकुण्ठय् यंकल । 'लिंग-पुराण'य् नं थ्व घटनाया वर्णन थुकथं हे जुयाच्चंगु दु ।

श्रद्धाया स्वां देछ्ना

जन्म: ने. सं.
१०७३ भाद्र
शुक्ल अस्तमी



निधन:
ने.सं. ११३६
गुलाथ्व त्रयोदशी



मदुम्ह रामशरण महर्जन

सदां लुमंकेवह:म्ह, जिमित अतिकं माया याइम्ह, जिमि बा:/तरिबा: राम शरण महर्जन वंगु साउन ३२ गते दिवंगत जुयादीगु थौं भिंस्वन्हुया पुण्य तिथिसं मदुम्ह वय्क:या सुखावति भुवनसं बास लायेमा धइगु कामना याना श्रद्धाया स्वां देछ्ना च्वना ।

म्ह्याय्-मौसमी महर्जन/जिलाजं-कृष्ण महर्जन

म्ह्याय्-चन्देश्वरी महर्जन/जिलाजं-राजिव श्रेष्ठ

म्ह्याय्चा-बसुन्धरा/जिलाजं-श्याम कवां

म्ह्याय्-जया महर्जन/जिलाजं-जनक महर्जन

म्ह्याय्-रुमी महर्जन/जिलाजं-प्रकाश महर्जन

म्ह्याय्चा-लजना महर्जन

साहित्य/चिनाखँ

श्री बाघ भैरव नाटकया बारे छता खँ

साधेसति दशा



नाति महर्जन

द्यःचपा पाँगा

ऐ लाहुरे दाई याकनं छक
थगु देशे ल्याहां वा
नेपा मां खोयाचोन छिमित लुमंका
छिपिं वया खोबि हुइका बिउवा ।

भाग्यं थौकन्हे मां नापं
बांमलाक खेल म्हिता चोन
बुद्ध, सीता मुले म्हितकातःम्ह मांयात थौ
राहु केटु सनि दशां कया चोन र

थो साधेसति ग्रह दशा
फायका छोयफुपिं देशे
तान्त्रिक छम्ह हे माले मफया चोन
याकनं छम्ह तान्त्रीक मालेत
छिमिसं नं ग्वाहालि बिउवा
थुगु जन्मभूमि मांया दुर्दशा छक
छिपिं नं वया सो वा
ऐ लाहुरे दाई याकन छक
थगु देशे ल्याहां वा ॥

थो सोम्ह ग्रहतेसं मांयागु
हिनु मामां हितोना चोन
हिनु हे माले मफया आ
ला खाना नेगु सोया चोन
मांयात इमिसं दुःख बिया
खोयका तगु छक सोवा
थो ग्रह दसा चीका छोयत
छिमि दाजुकिजापिन्त ग्वाहालि बिउवा
ऐ लाहुरे दाई याकनं छक
थगु देशे हे लिहां वा ॥

सोम्ह मिलेजुया इमिसं मांयात
खोयके जिक खोयका चोन
दको संपति पो चीना
मांयात नांगा याना चोन
त्यगु मत्यगु कर्म याना मांया संपति
पालंपा लुटे याना चोन
मांयागु दुख कष्ट हते यायत
छिपीनं वया ग्वाहालि या वा
ऐ लाहुरे दाई याकनं वा ॥

थो दुष्ट ग्रह दशा मांयात
आतक तोता वंगु मखुनि
ला हिला नये जितले नल
आ ब्रँय हे न्ह्येयत सना चोन तिनी
थो दुष्ट ग्रह नं छन्हु नेपा माँ
नुना हे छोइ तिनी

आवले छिपिं थगु जन्म भूमि वया
नेपा मांयात बचे या वा
ऐ लाहुरे दाई याकनं छक
थगु देशे लिहां वा ॥

अपायसं मांयागु दुर्दशा जुल नं थनचोपिं
बुद्धिजिवीतय् मिखा प्वा मचाति
न्त्याक अन्याय याना चोसां
म्हुतुप्वा: तिना चोन तिनी
इमिगु विरोध स: तैपिं
सु छम्ह हे पिहां मवनि ।
देशे थुला बडा धा:पिं सकलें
महले चोना न्ह्योवेका चोनतिनि
देना चोपिं सस्यूपिं ठुला बडातेत
छिमिसं वया छक यँ वा
देशभक्त तेगु पुरुषार्थ छक
याकनं छिमिसं क्यो वा
ऐ लाहुरे दाई याकनं छक
थगु देशे लिहां वा ॥

थो ग्रह दशां मांयात थिसेनिसें
गरिव जनता दुख सिल
सोगु कोटी जनताया भाग नाप
इमि स्वम्हेसिनं लाका नल
जनता खोया जगु स्व स्वं इपिं
लयताना आकासय बोया जुल
गरिवया भाग लाका खोयकातःपिन्त
गथांमुग: थें मिच्याका वाय् यनेमाल
इमित याकनं वाँछोय येनेत
छिमिसं ग्वाहालि या वा
ऐ लाहुरे दाई याकनं छक
थगु देशय् लिहां वा ॥

थो ब्रम्हान्दे उलिमछि ग्रह दु ।
थुपिं थें दुष्ट त मदुनि
मेगु ग्रह स्वैत दुख मबिउसे
छखे जक चाहिला चोनि
थुपिला तसकं हे दुष्टत वा वा
धेबा द्रं दुथाय् जक चाहिला चोनि
धेबा जक द:सा इज्जत धर्म तोतिपिन्त
जन्म भूमिया माया गन वनि
देश भक्तत छपँ जुया इमित पितना छोयवा
ऐ लाहुरे दाई याकनं छक
थगु देशे लिहां वा

विदेशे चोना थगु दे
लोमंका चोने मजिल
थगु देशे वगु संकत स्वया जक
सहयाना चोने मजिल
जन्मभूमि मांया सेवा यायत
लिचिला चोने मजिल
न्त्याक कमाय् यासा मगा भीत
थो ग्रह पन्छे याना छोयगु
आ लिबाका चोने मजिल
न्त्याक कमाय यासा मगा भीत
म्वाल थगु देशे हे ल्याहां वा
थो ग्रह तंत्र मंत्र याना
याकनं पन्छे यायवा
ऐ लाहुरे दाई याकनं छक
थगु देशे लिहां वा
भीपिं फुक छपँ जुया
जन्मभूमिया रक्षा यायवा ॥

हिराज्ञान महर्जन

थ्वहे २०७३ भाद्र ४ गते
शनिवार सुरु जुगु कीर्तिपुरया
बाघ भैरव द्यःया उत्पति यात
प्याखं दय्का न्ह्यने हय्गु कुतः
यागुलिं वय्क:पिं सकसित: नं
सुभाय् दु ।

उगु प्याखंया च्वमी,
कल्पनाकार, संगीत संयोजक,
निर्देशक व प्याखंम्वत:यगु कुतः
तस्सकं हे बां ला: अले च्वछाय्
बहजू । पक्का नं थ्व प्याखनं
बाघ भैरव द्यःया उत्पति व नेवा:
भाययात: थकायत कोशिश यागु
खनेदु । निर्देशक व प्याखं म्व:
तय्गु बेजोड प्रस्तूतिकरण,
अभिनयया Greeping व
संक्षेपीकरण जीवन्त खनेदु ।
अथेजुसां थुकिईयात छुं छुं मधासे
मगागु खनेदु । हने बहम्ह
शताब्दी पुरुष संस्कृतिविद श्री
सत्यमोहन जोशीज्यून च्वया द्युगु
थ्व प्याखं कीर्तिपुरया बाघ
भैरव द्यःया उत्पतिया लोक बाखं
लिसे पाय्छि मजु ।

थनया लोक बाखं कथं किपू
न्हापा न्हापा छगु गुंया दथुई
च्वंगु देय् ख: । थन उवले मस्तय्
फै भवय्गु ज्या जुया च्वन: ।
छन्हु छम्ह भवा:या फै भवय्गु
इलेय् म्हितईगु सिलसिलाय्
चायाम्ह धुं छम्ह दय्कल: । तर
व चायाम्ह धुंयात म्यें तय्गु
मदया सीमाया ह: मा: वने मागुलिं
वहे चायाम्ह धुंयात थ्व फैत:
स्वया च्वं, जी छन्त म्ये तय्त:
सीमाया ह: कया हय् धया गुई
वन: । लिपा सीमाया ह: ज्वना
लिहां वबले फैत मदया ग्व
धाबलेय् चायाम्ह धुं आं याना
क्यन: । आं यावले धुंया म्हुतुई
हि जुया च्वन । अले व भवा
मचां तमं जिगु फै नइम्ह छन्त:
म्यें तय्गु मखुत: धका म्यें तया
मव्यू । अले लिपा व धुं भैरव द्यो
या रुप काल, भवा: मचा,
फैचात: नं सिद्ध जुया वन । भवा:
व फैचात:य्गु सालिक बाघ
भैरव द्योया मन्दिर परिसरय् च्वंगु

गणेद्योया मन्दिरसं आतकं दु धैगु
लोक बाखं दु ।

थुगु लोक बाखं व आ: क्यंगु
बाखंया विचय् यक्वहे फरक खने
दु । अथे जुया वहे मूल उद्देश्य
तया उगुहे बाखंयात प्याखं
दय्केबले तोडमोड जुइबलेय्
उकिया मूल उद्देश्य हे फरक
जुई अले गलत सन्देश विई धका
भिसं वा: चाय्के मागु खनेदु ।
भिसं ध्यान तय् बहजु कि, व
रामायण प्याखं व महाभारत
न्हयाको हे पटक दय्कि अले
न्हयाम्ह हे पात्र जुउसां उकिया
मूल खं गुवलें हे फरक जुगु
खने मदु ।

अथेहे थ्व लोक बाखं यात
गथे ख: अथे हे: भीगु भासं
अनन्तकाल तक: जीवित याना
तय्दत धासा भीगु ऐतिहासिक
व धार्मिक महत्व दर्ई अले थुकिं
वर्तमानया साथय् भविश्यया
पिठितय्त: तक न: थुकिं निर्दिष्ट
जुया च्वनि धैगु आशा याना ।

हार्दिक श्रद्धाञ्जली

जन्म: ने. सं.
१०७३ भाद्र
शुक्ल अस्तमी



निधन:
ने.सं. ११३६
गुलाथ्व त्रयोदशी



स्व. रामशरण महर्जन

कीर्तिपुर क्षेत्रमा स्थानीयस्तरबाट गलैंचा उद्योग तथा
आल्मोनियम फर्निचर उद्योगमा अग्रणी भूमिका निभाउनु
भएका उद्योगी व्यवसायी तथा यस उद्योगको संस्थापक
राम शरण महर्जन ६३ वर्षको उमेरमा आकस्मिक निधन
हुनु भएको आज १३ औं दिनको पुण्यतिथिमा उहाँको
आत्माको चिरशान्तिको कामना गर्दै श्रद्धाञ्जली अर्पण
गर्दछौं

कम्फर्टेबल आल्मुनियम टेक्नोलोजी

नयाँबजार, कीर्तिपुर

फोन नं. ४३३०८६९

छिगू नं चिनाखँ, बाखनिसें छुं नं कथंया च्वसू दुसा
बियादिसँ जिमिसं ल्व:कंह्वा:गु ज्वजलपा वा:पतिइ
पिकायेगु जुइ ।